

Goibekokale

ELGETA / Eguaztena / 2002ko martxoaren 27a / 93. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com

Haurren danborradia, 2003ko danborrada berezira bidian jarri daben lehen harrixa

OXEL EROSTARBE

Jai Batzordiak ia zehaztuta dauka aurtengo Ferixa Nagusietako egitarau osua. 2.003ko danborrada berezira gertatzeko bidian, neska-mutikuen danborradia izango da aurtengo berezitasun bat. Elgetako Ereserkia danborradara moldatzen be hastekuak dira.

Aurtengo jaixak gero eta gertuago dare. Bariku arratsaldian, danborrada aurrera eruateko ardurria dauken taldekuak prentsaurrekua emon zeben, euren asmuak herritarrei azaltzeko.

Iosu de Vega, Alex Arantzabal eta Iosu Arantzabal dira danborradia aurrera eruateko ardurria daukenak. Epe motzera, aurtengo lehenengo aldiz egingo dan haurren danborradia bihar dan moduan gertatzea da euren helburua. Honetarako, apirillaren 5ian ekingo dotse danborradia gertatziari izena emon daben 82 neska-mutikuekin. Haurrei nagusiek jotzen dittuen pieza gehixenak erakusteko ahalegiña egingo dabe. Hala eta be, Alex Arantzabalek esan zoskunez, neska-mutikuekin trankil jua nahi dabe, "Helburua 2.003ko danborradarako umiak gertauaz juatia da. Izan be, bertan nagusixak eta umiak batzia da asmua. Ikasten dittuen piezak, gutxiago izatia izan leike, baiña ikasten dittuenak bihar dan moduan jo deixen ahaleginduko gara".

Aurten ez da nagusixen danborradarik izango jaixetan. Indarrak umien danborradara biderratu dittue eta nagusixei deskantsua emoteko ordua be bazala pentsau dabe antolatzailliek. Beste arrazoi bat, epe ertaiñerako, datorren urterako hain zuzen, gertauko daben danborrada erraldoia da. Izan be, 2003ko danborradia oso berezira izango da. Adin guztixetako jendiak hartuko dau bertan parte eta Elgetako Ereserkia danborradara doñuekin entzuteko aukeria izango dogu.

Alfredo Gonzalez Chirlaque izango da Elgetako Ereserkia danborradarako moldatuko dabana. Alfredo Bergarako Banda eta Orkestako zuzendarixa da. Hilla-



Prentsaurrekua eman zeben udaletxian Elgetako danborradako arduradunek.

bete inguru biharko dau 1.993an egin zan ereserkiandako musika konposiziño barrixa egitteko. Uztaillerako Elgetako danborra-

dako arduradunei grabaziño bat emotia da asmua. Ereserki moldatu barrixa entzutiaz gain, izan leike danborradian ibillaldixa eta



Haurrak bakarrik ez, nagusixak be baserittar jantziko die jaixetako eguenian.



ALFREDO G. CHIRLAQUE/BERGARAKO BANDAKO ZUZENDARIA

"Gure lana Elgetako Ereserkia erritmo biziko martxara egokitzea izango da"

Elgetako Ereserkia danborradara moldatzeko ardurria zeuria izango da?

Bai. Danborradian ardurria daukenak egin doste hau enkar-guau. Elgetako Ereserkiak izaera sendua dauka, himno tankerakua. Gure lana martxara egokitzea izango da. Martxak izaera alaiagokoak dira, jai girokuak. Herrittaren artian erraz zabaltzeko modukuak. **Ereserkiak musikiaz gain**

letria be badauka, martxiak halan eukiko al dau?

Ez. Egingo dogun martxiak ez dau letrarrik izango. Hala eta be, jendiari musikia erre-zago sartuko jako eta herrittarrak 1993an egindako Ereserkira gerturatzeke be balixoko dabala pentsatzen dogu.

Martxia egitteko zenbat denbora biharko dozu?

Hillabete inguruan eginda egongo da. Izan be, base musi-

danek batera jotzeko lekua be aldatu biharra izatia. Oin arte ekitaldi nagusixa plazan egin dan arren, 2003ko danborradan par-

te hartuko daban jende kopurua kontutan eukita danak plazan sartzia oso zailla izango dala aurreikusten dabe. Plazan biharrian kiroldegiko kantxan egittia aztertzen dabit. Bertan danborradan parte hartuko daben 300 pertsonak eta ikusliak sartzeko arazorik ez litzake egongo.

JAIXETAKO EGUEAN DANOK BASARRITTAR

Iaz Elegante Eguna antolatu zaben Jai Batzordekuak jaixei hasieria emoteko. Aurten beste proposamen bat egingo dabe.

Eguenian erromerixa girua egon deilla nahi dau Jai Batzordiak. Hori dala eta, basarrittar edo erromerixa giroko mozorruak gertauaz juateko deixa egin nahi dotse herriko kuadrillei.

Eguenerako erromerixa girua bultzatzeko ekitaldixak antolatu dittue. Etzakit taldian kontzertua izango da. Egitarau guztixa ixa lotuta dauke eta laster emongo doskue honen barri.

kala eginda dago; eta erritmoz aldatzia, martxa erritmua emotia da kontua.

Elgetako martxia zein eratakua izango da?

Erritmo biziko martxia izango da. Izaera alai eta bizkorrekua, holan jendiak erre-zago ikasiko dau eta.

Uztaillerako grabaziño bat egingo dogu, lehenbailehen elgetarrek martxia entzun deixen.

TELEBISTA BADATOR

Uruburutik zabalduko da GOITB herriko telebista guztietara

Aurreko egunean, Uruburuko bizilagunek batzarra egin zuten. Batzarraren helburua honakoa izan zen: GOITB-ko seinale-zabaltzailea euren teiltuan jartzeko Udalak egindako proposameneri zein erantzun eman erabakitzea.

Bizilagunek seinale-zabaltzailea jartzea onartu zuten. Horrela bada, Uruburuko etxebizitzetatik zabalduko da GOITB herriko telebista guztietara. Oraindik ez dago erabakita

GOITB zein katetan ikusiko den; teknikariek esan digutenez, hori jakiteko seinale-zabaltzailea kokatuta egotea derrigorrezkoa da eta.

OPORREN OSTEAN GOITB IKUSIKO DA
Eguaztenean, Gobernu Batzordeak Uruburuko bizilagunei Udalak proposatu dien hitzarmena onartuko du. Ondoren Udalak eta Goienak telebistaren inguruko hitzarmena sinatuko dute. Bi aldeek esan digutenez gaia nahi-

ko aurreratuta daukate.

GOITB Elgetan ikusteko azken pausoa teknikariei seinale-zabaltzailea Uruburuko etxebizitzetan jartzeko agindua ematea izango da. Teknikariei abisua eman eta hamar egunera GOITB ikusiko da.

Teknikariek GOITB zein katetan ikusten den erabakitzen dutenean emango dugu horren berri. Badirudi, oraingoan, laster Elgetan ere GOITB ikusiko dugula ziurta dezakegula.



Urteurrenean giro paregabea

Zapatuan izan ziren Gaztearen seigarren urteurreneko ekitaldi nagusiak. 20 lagun elkartu ziren bazkarian giro ederra egon zen eta egun osoan holaxe jarraitu zuen, jaiak goizaldera arte iraun zuen eta.

Gauean ere, jende ugari batu zen Gaztetxean izan zen kontzertuan.

Egun osoko jai honekin amaiera eman diote gazte txekoe seigarren urteurrenari. Aurrerantzean ere ekintzak antolatzen jarraitzea da asmoa./O.E.



Elgetan ere nor bere aldetik Aberri Egunean

EAJ-EAk eta Batasunak ez dute Aberri Eguna batera ospatuko. Ikurrina altxatu eta gero, Udalbiltzak deitutako Gernikako ekitaldira joango dira goizean EAJ-EAkoak. Batasunak -hark ere Udalbiltzak deituta- Ikurrina altxatuko du udaletxean 12:30ak aldera, eta saldak eta txorizoak banatuko dituzte. Aberri Egunean, bakoitzak bide bat hartuko du, Udalbiltzan moduan. /O.E.

ASTE SANTUA

Bariku Santuan prozesioa egingo dute

O.E.

Aste Santua dela eta, elizkizun bereziak gertatuta dituzte dagoeneko parrokiakoek. Aurten ere, Bariku Santuan, prozesioa egingo dute herriko kaleetan. Jesus nazaretarraren, Doloretako Ama Birjinaren eta San Juanen irudiak aterako dituzte kalera.

Elgetako Parrokiak Aste Santurako antolatu dituen elizkizun bereziak, aurreko domekan hasi ziren. Izan ere, Erramu Eguneko meza egin zuten orduan.

Martxoaren 28an, Eguen Santua ospatuko dute. Elizkizuna arratsaldeko 17:30etan izango da.

Martxoaren 29an, Bariku Santua, goizean hasiko dira ekintzak. Goizeko 09:00etan gurutze bidea egingo dute elizan. Arratsaldeko 18:30etan meza berezia izango da. Meza ostean prozesioa egingo dute herriko kaleetan. Parrokian dauden zenbait irudi aterako dituzte kalera. Besteak beste, Jesus nazaretarraren, Doloretako Ama Birjinaren eta San Juanen irudiak izango dira aterako dituztenak.

Martxoaren 30ean, Zapatu Santuko elizkizuna izango da. Gaueko 22:00etan parrokiaren izango da elizkizun nagusia.

Martxoaren 31n, Pazko domekako elizkizuna izango da eguerdiko 12:00etan.



ARTXIBOA

Aurten ere zenbait irudirekin prozesioa egingo dute herriko kaleetan zehar.

LABUR

Eguazteneko osoko bilkurak bake epailea nor izan daitekeen proposatuko du

Gero, Udalak egindako proposamena Justiziako Auzitegi Nagusiak onartu beharko du. Aurrekoan bezala Pedro Mari Ubera eta Arantxa Gorritxategi izan dira aurkeztu diren elgetarrak. Baina aurten gainera Hernaniko bizilagun bat ere aurkeztu da.

Eguaztenean, gaueko 21:15etan izango den osoko bilkuran, erabakiko da Elgetako bake epaile izateko Justiziako Auzitegi Nagusiari Udalak proposatuko diona nor izango den. Normalean Udalak proposatzen duena aukeratzen dute Auzitegian.

SAIOA ARANZABAL MASAJEAK

ELGETAN, DOMINGO ITURBE 10ean

- Kiromasajea
- Reflexologia
- Hidromasajea
- Kirol masajea



- Solariuma
- Drenaje linfatikoa
- Algekin eginiko estalkia

Dei ezazu 646 50 00 29 telefonora ordua eskatzeko

ERRETRATUZAHARRA

Antzuolako
Atletismo
Taldea, 1958

Honako argazki hau 1958. urte ingurukoa da. Denbora laburra zen atletismo talde hori sortu zutela Antzuolan. Ez ziren atletismo pistetako txapelketetan ibiltzen, kros txapelketetan baizik. Inguruko herrietako lasterketan parte hartzen zuten, batez ere: Oñatin, Aretxabaletan, Bergaran, Arrasaten... Baina beste kros lasterketa entzutetsu batzuetara ere joan izan ziren, Lasartekora, esaterako.

Jose Luis Errasti zen entrenatzailea, eta hark azaldu digunez, nahiko emaitza onak lortzen zituzten, talde ona osatzen ei zuten. Taldeka, batez ere, emaitza onak lortzen zituzten.

Bestalde, adierazi digu atletismo pistarik ez zuten Antigua inguruan entrenatzen zirela. Antigua eta San Blas artean ibiltzen ziren korrika. Gauzez entrenatzen ziren, lanetik irten eta gero; eta entrenamendu saioaren ostean, Antiguako tabernan elkartzen ziren tragoxka bat hartzeko.

Badirudi argazki hau Arrasateko lasterketan ateratakoa dela, eta 17 bat



urte izango zituzten argazkikoek. Hauexek agertzen dira argazkian, ezkerretik eskumara: Jose Luis Errasti, Julian Errasti, Luis Mari Jauregi, Jesus Bareño eta Iñazio Larrea. Makurtuta, Jabier Arregi.

Argazkia: María Teresa Errasti

ADI IRAKURLE!

Zure erretratu zaharra argitaratzea nahi izanez gero, zatorz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

NOLA ALDATUDIRENGAUZAK


Ermitaren
kanpandorrea
geratzen da

Badira 24 urte San Bartolome ermita bota zutela; 1978. urtean bota zuten. Eguzki auzoko urbanizazio lanengatik bota zuten basiliza, Berriotxo eskolarekin batera.

Oroigarri moduan, ermita egon zen tokian kanpandorrea dago. Hori, baina, ez da San Bartolome ermitaren jatorrizko tokia. Izan ere, hilerriaren inguruan zegoen hasieran San Bartolome ermita.



1960 San Bartolome ermita 1978an bota zuten. Argazki horretan ondo ikus daiteke kanpandorrea, gaur egun hantxe dagoena.



2002 Eguzki auzoko aurreko aldean, lorategi txiki baten barruan dago gaur egun San Bartolome ermitako kanpandorrea.

Zumelaga
JATETXEA

60 urte zuen zerbitzura!

San Antonio 5. BERGARA. 943 76 20 21



Manufacturas LARRAÑAGA
LAN-BABESERAKO ARTIKULUAK

Eskularruak: larruzkoak, lonazkoak, nitrilozkoak eta PVCzkoak • Polainak: larruzkoak • Amantalak: larruzkoak, lonazkoak eta plastikozkoak • Mangitoak: larruzkoak, lonazkoak eta plastikozkoak • Txanoak: lonazkoak eta skay-zkoak • Segurtasuneko oinetakoak • Entzumen-babesa eta begi-babesa • Soldatzaileendako aurpegirako babesa • Maskarak • Lunbalgiarako gerrikoak eta faxak • Hotzaren kontrako parkak • PVCzko trajeak • Soldatzaileendako larruzko jakak (3/4) • Lanerako arropa • Hotzaren kontrako txalekoak • Eta abar.

Leizeaga 1 BERGARA Tel. / faxa 943 76 59 53.

Azkarate eta Ardatza: arotz lanetan behar duzun guztia


- Ateak
-
- leihoak
-
- Horma-
armairuak
-
- Tarimak
-
- Parketak
-
- Sukaldeak



Ate irristagarriak

Neurrira
ebakitako
tableroak

-
- Apalak
-
- Kajoiak
-
- Zokaloak
- Moldurak
- Sarrailak
-
- Manilak
-
- Egurrezko
objetuen
pintaketa




AZKARATE
AROSZTEGIA

Telleria, 19 B-0-2 B-0-3
BERGARA
Tel.: 943 76 47 19
ARETXABALETA
Tel.: 943 77 01 24

ARDATZA

Brikolaketa

Masterreka, 4 behea.
Tel.: 943 76 18 93
BERGARA





Liderrak gara hainbat esparrutan:
esfortzuan, dedikazioan, lidertzan eta arrakastan

Multiópticas, liderrak zerbitzu optikotan
Etorri eta ikusi!

Multiópticas-ek Operación Triunfo-ko
kontzertuen bira aurkezten du

R.P.S. 164/99

MULTIOPTICAS

LARRAÑAGA

Tel. 943 76 15 75
BERGARA

Tel. 943 79 29 95
ARRASATE